

## Pravilnik o uslovima i pravima korištenja

Ovim dokumentom regulišu se uslovi i prava korištenja usluge interaktivne web/mobilne aplikacije Autofix ([www.autofix.info](http://www.autofix.info)) – (u daljem tekstu **aplikacija Autofix**).

**Aplikacija Autofix** zadržava pravo promjene sadržaja Pravilnika u bilo kojem trenutku i bez prethodne najave. Promjene stupaju na snagu trenutkom objave na stranici ove aplikacije i kao takve se odnose na sve dosadašnje i buduće korisnike. Korištenjem bilo kojeg sadržaja na **aplikaciji Autofix** smatra se da je korisnik upoznat sa najnovijim (važećim) uslovima i pravima korištenja kao i da je saglasan sa istim.

Pri korištenju **aplikacije Autofix**, dužni ste se koristiti tačnim i preciznim podacima bilo da se radi o vašem profilu ili bilo kojem drugom dijelu stranice. **Aplikacija Autofix** čini sve kako bi zaštitila privatnost ličnih podataka (ime i prezime, adresa stanovanja, broj telefona, e-mail,...), kao i podatke o vozilu (broj šasijske, marka i model vozila,...) registrovanih korisnika u smislu Zakona o zaštiti ličnih podataka i drugim, te će biti korišteni samo u svrhu spajanja kupaca i prodavaca rezervnih dijelova.

Korisnik, tačnije kupac rezervnih dijelova, upisom svih podataka, tj. upisom ličnih podataka (ime i prezime, adresa stanovanja, broj telefona, e-mail,...), kao i podataka o svom vozilu (broj šasijske, marka i model vozila,...) daje saglasnost na Pravilnik o uslovima i pravima korištenja, a tim nedvosmisleno odobrava da je saglasan sa upisom istih u bazu podataka koju pored Autofix tima, mogu vidjeti samo registrovani prodavci rezervnih dijelova, pri objavi potražnje od strane kupca rezervnih dijelova. Navedeni podaci su potrebni jedino u svrhu jednostavnijeg i efikasnijeg povezivanja kupaca i prodavaca rezervnih dijelova, a s tim u vezi Autofix se obavezuje da će lične podatke i podatke o vozilu kupaca moći vidjeti samo registrovani prodavci rezervnih dijelova. Upisivanje podataka je dobrovoljno, gdje je zvjezdicom (\*) tačno naznačeno šta je neophodno za upis pri registraciji korisnika, a svi oni koji ne žele ostaviti neophodne podatke, nisu u obavezi da budu korisnici **aplikacije Autofix**. Podaci kao što su ime i prezime kupca, adresa stanovanja kupca, broj telefona kupca, e-mail adresa kupca, kao i broj šasijske vozila su poželjni pri lakšem uspostavljanju tržišne saradnje sa prodavcima rezervnih dijelova i dopremanja istih na adresu stanovanja. Kupac rezervnih dijelova koji je dao pristanak o registraciji na **aplikaciju Autofix**, može u bilo kom trenutku i bez obrazloženja povući svoj pristanak, što proizvodi prestanak članstva.

U svrhu objave potražnje, korisnik se obavezuje registrovati, te tom prilikom popuniti svoje lične podatke, kao i podatke za kontakt. Korisnik je odgovoran i garantuje za istinitost i tačnost popunjenih podataka.

Takođe, korisnik odgovara za tačnost i istinitost opisa autodijela, kao i stanja u kojem se isti nalazi, te da je shodno tome isti isključivo i samostalno odgovoran za eventualne pravne i materijalne nedostatke.

**Aplikacija Autofix** je zabranjena za korištenje osobama mlađim od 16 godina.

**Aplikacija Autofix** u beta verziji je potpuno besplatna. Nakon isteka početnog besplatnog perioda o korištenju beta verzije, Autofix zadržava pravo da definiše određenu naknadu za korištenje u simboličnom fiksnom mjesečnom iznosu, isključivo za prodavce rezervnih dijelova. Prodavci rezervnih dijelova će o istom biti obaviješteni i biće potreban njihov pristanak potpisivanjem ugovora. Prodavac rezervnih dijelova koji je potpisao ugovor sa Autofix-om, po isteku istog može povući svoj pristanak, što proizvodi prestanak članstva, uz izmirenje svih obaveza nastalih za vrijeme trajanja članstva, ukoliko postoje.

**Aplikacija Autofix** ne odgovara za kupovinu autodijela tj. za sam proces kupovine, pa samim tim ne garantuje niti na bilo koji način odgovara za ispunjenje ugovora po prihvaćenoj ponudi prodavca, tj. za realizaciju predmetne prodaje.

**Aplikacija Autofix** ne prihvata odgovornost niti garantuje za bilo koji autodio prikazan ili prodan na ovim stranicama uključujući: vlasništvo nad bilo kojim artiklom, tačnost i/ili istinitost opisa, spremnost korisnika da provede transakciju i sl.

Nakon provedenog procesa kupovine autodijela između kupca i prodavca, **aplikacija Autofix** obezbeđuje mogućnost ugovaranja dostave istog putem kurirskih službi. U ovom slučaju, **aplikacija Autofix** ne odgovara za preduzete radnje kurirskih službi u pogledu isporuke niti garantuje kvalitet izvršene usluge od strane istih.

Svaki oblik sadržaja, sve informacije, slike kao i korisnički podaci strogo podliježu autorskim pravima i strogo se zabranjuje njihova upotreba u nezakonite ili druge svrhe.

Sadržaj **aplikacije Autofix** predstavlja vlastiti sadržaj, sadržaj korisnika i oglašivača, besplatni sadržaj kao i interni i eksterni linkovi.

Svi sadržaji **aplikacije Autofix** objavljeni su u dobroj namjeri i dati su na korištenje na vlastitu odgovornost te se ista ne može smatrati odgovornim za bilo kakvu štetu nastalu korištenjem navedenog sadržaja.

Na sve sadržaje **aplikacija Autofix** polaže autorska prava te se svako neovlašteno korištenje predmetnog sadržaja smatra kršenjem autorskih prava i podložno je tužbi. Svi sadržaji objavljeni od strane partnera, korisnika i oglašivača podložni su autorskim pravima te je njihovo neovlašteno i nezakonito korištenje podložno tužbi.

Ukoliko postoje sumnje ili se smatra da je došlo do povrede autorskih prava od strane **aplikacije Autofix** molimo Vas da nas kontaktirate. Nakon razmatranja reklamacije, ukoliko je reklamacija valjana, sporni sadržaj će u najkraćem mogućem roku biti uklonjen sa istog.

**Aplikacija Autofix** se obavezuje da će u dobroj namjeri koristiti podatke dobijene od strane njegovih korisnika tokom korištenja istog, te da privatne podatke neće distribuirati niti prosljeđivati trećoj strani, osim uz dozvolu korisnika aplikacije.

Tokom korištenja **aplikacije Autofix**, a u skladu sa Zakonom, ista može prikupljati određene podatke o korisnicima (podaci o računaru, web browseru..) kao i podatke unesene od strane korisnika prilikom registracije. Ove podatke **aplikacija Autofix** će koristiti u svrhe poboljšavanja i prilagođavanja sadržaja i optimizacije prikaza sadržaja aplikacije.

**Aplikacija Autofix** se obavezuje da prikupljene privatne podatke poput e-mail adrese korisnika neće bez njegove dozvole prodavati niti prosljeđivati trećim licima. **Aplikacija Autofix** može prikupljene podatke koristiti za izradu statističkih podataka za grupe korisnika bez odavanja privatnih podataka.

**Aplikacija Autofix** se obavezuje da će čuvati privatnost korisnika, osim u slučaju teškog kršenja uslova i prava korištenja **aplikacije Autofix** ili nezakonitih aktivnosti korisnika.

**Aplikacija Autofix** nije ni na koji način odgovorna za sadržaje koje objavljuju korisnici u objavama potražnje. U slučaju nezakonitih aktivnosti korisnika **aplikacija Autofix** zadržava pravo da sporni

sadržaj bez prethodne najave ukloni sa servera te i da o tom prekršaju obavjesti nadležne državne organe.

Zabranjuje se korisnicima tokom korištenja **aplikacije Autofix** koristiti riječi ili fraze uvrede, psovke ili tome slično. Zabranjuje se širenje jezika mržnje u bilo kojem obliku, međunacionalne, međuetničke i međupolne. Strogo je zabranjeno izjašnjavanje o političkim događajima i motivima kao i bilo kakvo pozitivno ili negativno reklamiranje političkih stranki i aktivnosti. **Aplikacija Autofix** zadržava pravo da ukoliko tokom administrativnih aktivnosti otkrije ovakav sadržaj isti ukloni sa aplikacije i o učinjenim prekršajima obavjesti nadležne državne organe.

U slučaju kršenja pravila korištenja **aplikacije Autofix**, prijave drugih korisnika, kao i raznih zloupotreba od strane korisnika (iznošenja netačnih podataka, prevara, nedomaćinskog tržišnog poslovanja,...), Autofix zadržava pravo da u svakom trenutku ukloni korisnika iz članstva **aplikacije Autofix**. Isto pravilo će se koristiti samo u slučaju krajnje nužde.

Za sve pravne sporove koji mogu nastati vezano za korištenje **aplikacije Autofix**, nadležan je sud po zakonskim propisima BiH.

Vaš Autofix team